

Ysgolion yr 21ain Ganrif Dogfen Grynhoi

GWELLA DARPARIAETH AR GYFER PLANT
A PHOBL IFANC AG ANGHENION DYSGU
YCHWANEGOL (ADY): YSGOL GREENHILL

14 RHAGFYR 2021 – 01 IONAWR 2022



Gellir darparu'r ddogfen hon mewn Braille.
Mae fersiwn lawn o'r ddogfen ymgynghori ar gael yn: www.caerdydd.gov.uk/cynigionADY
Gellir darparu gwybodaeth mewn ieithoedd cymunedol eraill hefyd os oes angen.
Cysylltwch â ni ar **029 2087 2720** i drefnu hyn.



Cefndir

Yn 2017, fe nodon ni yr angen i gynyddu nifer y lleoedd ysgol uwchradd a'r angen i wella adeiladau ysgol fel rhan o Raglen Band B Ysgolion yr 21ain Ganrif y Cyngor.

Mae'r llyfryn hwn yn cynnwys gwybodaeth gryno am gynigion i ddarparu mwy o leoedd ysgol arbennig i blant ag Anghenion Iechyd Emosiynol a Llesiant yn Ysgol Greenhill. Byddai adeiladau presennol Ysgol Greenhill yn cael eu disodli.

Dyma'ch cyfle i ofyn cwestiynau ac i wneud sylwadau. Rydym am wybod eich barn oherwydd y bydd hyn yn ein helpu i sicrhau bod unrhyw gynigion sy'n mynd yn eu blaenau wir yn gweithio i bobl ifanc, eu teuluoedd a chymunedau lleol yr ysgolion dan sylw.

Beth rydym yn cynnig ei wneud?

Er mwyn ateb y galw am leoedd ysgol arbennig ar gyfer dysgwyr ag anghenion emosiynol a llesiant rhwng 11 a 19 oed, rydym yn cynnig:

- Cynyddu capasiti Ysgol Greenhill o 64 i 160 o leoedd.
- Trosglwyddo Ysgol Greenhill i adeiladau newydd dros ddwy safle a hynny ar safle'r Dutch Garden Centre, Maes y Bryn Road (yn agos at gyffordd 30 yr M4) a Heol Tŷ Glas yn Llanisien, gydag 80 o ddisgyblion ar bob safle o fis Medi 2025.

Mae'r gwaith o ddatblygu'r cynnig hwn ar y camau cychwynol. Byddai unrhyw gynllun ysgol neu gynllun safle manwl yn cael ei ystyried yn ddiweddarach os byddwn yn bwrw ymlaen gyda'r cynnig.

Ble gallaf gael rhagor o wybodaeth?

- Ceir manylion llawn yn y Ddogfen Ymgynghori ar wefan y Cyngor yn www.caerdydd.gov.uk/cynigionADY
- Os na allwch weld y ddogfen ar-lein, bydd copiâu papur o'r ddogfen ymgynghori hon ar gael drwy'r post ar gais. Gallwch ofyn am gopi drwy ffonio 02920 872720.
- Rydym wedi trefnu cyfarfod ar-lein a sesiynau galw heibio y gallwch fynd iddynt os hoffech i ni esbonio'r newidiadau arfaethedig i chi. Gallwch hefyd ofyn cwestiynau. Os hoffech fynd i gyfarfod ar-lein cysylltwch â ni drwy e-bostio ymatebionysgolion@caerdydd.gov.uk gan nodi'r cyfarfod yr hoffech fynd iddo. Byddwn wedyn yn darparu dolen a chyfarwyddiadau ar gyfer mynychu'r cyfarfod.

Mae dyddiadau'r cyfarfod ymgynghori cyhoeddus a'r sesiynau galw heibio wedi eu nodi isod:

Tabl 2		
Natur yr ymgynghoriad	Dyddiad / Amser	Lleoliad
Cyfarfod Cyhoeddus Ar-lein	Dydd Mercher 12 Ionawr 2022 5:30pm	Ar-lein drwy Teams
Sesiynau galw heibio	Ar gais drwy e-bostio ymatebionysgolion@caerdydd.gov.uk	Ar-lein drwy Teams

Mae cyfarfodydd ar wahân wedi eu trefnu ar gyfer staff a llywodraethwyr.

Mae barn plant a phobl ifanc yn allweddol i'r modd y darperir addysg. Byddwn yn ymgynghori â disgyblion yn Ysgol Greenhill ac yn cynnwys eu hadborth yn yr adroddiad ymgynghori terfynol.

Sut gallaf roi fy marn?

- Gallwch fynd i gyfarfod cyhoeddus neu sesiwn galw heibio
- Gallwch roi eich barn ar www.caerdydd.gov.uk/cynigionADY
- Gallwch lenwi'r ffurflen ymateb ar dudalennau 12 a 13 y llyfryn hwn.

Y dyddiad cau ar gyfer cyflwyno ymatebion i'r ymgynghoriad hwn yw 1Chwefror 2022.

Pam ein bod yn cynnig y newidiadau hyn?

Lleoedd ysgol – Rhaid i bob cyngor yng Nghymru gynnig digon o leoedd ysgol i ddisgyblion o bob oed. Rhaid i lefydd ysgol ateb anghenion yr holl ddisgyblion a rhaid iddynt fod yn addas ar gyfer unrhyw anghenion dysgu ychwanegol.

Cyflwr ac Addasrwydd – Rhaid i gyfleusterau ysgol fod yn addas i'r diben. Rhaid i ysgolion gefnogi darparu dysgu o ansawdd uchel.

Beth yw Rhaglen Ysgolion yr 21ain Ganrif?

Mae Rhaglen Ysgolion yr 21ain Ganrif yn rhaglen fuddsoddi fawr a hirdymor. Mae'n cael ei ariannu ar y cyd gan Lywodraeth Cymru ac Awdurdodau Lleol. Y nod yw darparu cyfleusterau addysgol o ansawdd uchel a fydd yn bodloni gofynion amrywiol y 21 Ganrif.

Cynhaliwyd rhan gyntaf y Rhaglen (Band A) tan fis Mawrth 2019.

Dechreuodd ail ran y cyllid hwn (Band B) ym mis Ebrill 2019. Fel rhan o hyn, mae Cyngor Caerdydd yn cynllunio rhaglen fuddsoddi o tua £284 miliwn.

Pam fod angen mwy o leoedd?

Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol ac yn cael cymorth ychwanegol yno. Mae dysgwyr sydd ag anghenion mwy difrifol neu gymhleth yn mynychu ysgol arbennig neu Ganolfan Adnoddau Arbenigol. Gall hyn gynnwys disgyblion ag Anghenion Iechyd Emosiynol a Llesiant.

Mae nifer y disgyblion yng Nghaerdydd sydd angen lle mewn ysgol arbennig neu ganolfan adnoddau arbenigol yn cynyddu.

Yn 2021/22 mae cyfanswm o 172 o leoedd Iechyd Emosiynol a Llesiant arbenigol ar gyfer dysgwyr 11-16 oed a gaiff eu hariannu gan Gyngor Caerdydd. Roedd y rhain mewn ysgolion a gynhelir gan gynnwys Ysgol Greenhill ac mewn sefydliadau eraill a gomisiynwyd gan y Cyngor.

Amcangyfrifir bod galw am tua 322 o leoedd yn 2021/22 yng Nghaerdydd, a rhagwelir y bydd hyn yn codi i 348 o leoedd erbyn 2025/26.

Gan ganiatáu rhywfaint o le dros ben i gefnogi hyblygrwydd, y capasiti digonol fyddai 354 o leoedd yn 2021/22, a 383 o leoedd erbyn 2025/26.

I grynhoi, amcangyfrifir bod diffyg 182 o leoedd ar gyfer dysgwyr 11-16 oed yn 2021/22, gan godi i 211 erbyn 2025/26.

Darpariaeth Ôl 16

Yn ddelfrydol, dylai darpariaeth arbenigol gynnwys cymorth ar gyfer mwyafrif y dysgwyr i aros ymlaen nes y byddant yn 18 neu'n 19 oed.


Pam ehangu a disodli Ysgol Greenhill?



Mae Ysgol Greenhill yn ysgol 64 o leoedd ar gyfer dysgwyr o bob rhan o'r ddinas, yn 11-19 oed a gydag anghenion iechyd emosiynol a llesiant sylweddol.

Byddai ehangu Greenhill dros ddau safle, pob un yn cynnig 80 lle, yn:

- cefnogi'r ysgol i ddatblygu ei chwricwlwm ymhellach
- galluogi'r ysgol i roi cyfle i fwy o ddysgwyr mwyaf agored i niwed Caerdydd gael dysgu mewn amgylchedd dysgu arbenigol pwrpasol.



Safle'r Dutch Garden Centre

Mae Cyngor Caerdydd yn berchen ar safle 2.84 hectar wrth ymyl Cyffordd 30 yr M4. Mae'r safle ar hyn o bryd wedi ei feddiannu gan y Dutch Garden Centre. Nodwyd bod gan y safle nifer o ddefnyddiau posibl gan gynnwys cyfleusterau ysgol anghenion dysgu ychwanegol, yn amodol ar gymeradwyaeth gynllunio.

Byddai maint a lleoliad lled-wledig y safle yn:

- caniatáu i'r safle gael ei ddylunio'n gynaliadwy i greu Ysgol i'r 21ain Ganrif
- cefnogi dysgu yn yr awyr agored, garddwriaeth a gofal anifeiliaid bach fel rhan o'r cwricwlwm
- ategu lleoliad trefol safle Tŷ Glas lle gall myfyrwyr fanteisio ar gyfleoedd y ddinas e.e., hyfforddiant teithio, profiad gwaith a busnesau lleol
- caniatáu cyfleoedd posibl ar gyfer lleoliadau y tu allan i'r sir (yn amodol ar argaeledd)
- caniatáu i'r safle wasanaethu ardal eang gydag amseroedd teithio rhesymol o'r cartref i'r ysgol



Safle Tŷ Glas, Llanisien

Mae'r Cyngor wedi prynu safle yng ngogledd Caerdydd ar Heol Tŷ Glas o tua 7.2 hectar. Byddai'r safle hwn yn lleoliad ardderchog ar gyfer darpariaeth ysgol uwchradd prif ffrwd a darpariaeth addysg Anghenion Dysgu Ychwanegol.

Byddai lleoliad y safle yn:

- Rhoi mynediad i gyfleoedd y ddinas, e.e. hyfforddiant teithio, profiad gwaith a busnesau lleol
- Sicrhau potensial da ar gyfer cysylltiadau teithio llesol
- ategu lleoliad lled-wledig safle'r Dutch Garden Centre lle gall myfyrwyr fanteisio ar gyfleoedd dysgu yn yr awyr agored, garddwriaeth a gofal anifeiliaid bach fel rhan o'r cwricwlwm



Beth fyddai'r effaith ar gymorth i ddisgyblion?

Byddai'r ysgol yn parhau i gynnig cymorth sy'n briodol i anghenion pob disgybl yn unigol.

Nid oes unrhyw wybodaeth i awgrymu y ceid effaith negyddol ar anghenion unrhyw un o'r grwpiau isod gan y newidiadau arfaethedig:

- disgyblion ag Anghenion Dysgu Ychwanegol
- disgyblion y mae Saesneg yn Iaith Ychwanegol ganddynt
- disgyblion sy'n cael Prydau Ysgol am Ddim
- Disgyblion o Leiafrifoedd Ethnig

Beth yw manteision y newidiadau arfaethedig?

- Byddai'r cynigion yn cynyddu nifer y lleoedd ysgol arbennig ar gyfer dysgwyr oedran uwchradd ag anghenion iechyd emosiynol a llesiant.
- Byddai safle ddeuol yn cynnig hyblygrwydd ar gyfer rheoli disgyblion,
- Gallai dwy safle alluogi disgyblion i gael eu haddysgu'n agosach i'w cartrefi a darparu gwell darpariaeth arbenigol ar draws y ddinas.
- Byddai safle ddeuol yn caniatáu ystod ehangach o adnoddau ar gyfer yr ysgol. Dewiswyd y safleoedd i gynnwys safle wledig a allai gynnig profiadau dysgu yn yr awyr agored, garddwriaeth, gofal anifeiliaid, tra gallai'r safle drefol gynnig profiadau galwedigaethol a hyfforddiant teithio.
- Byddai'r cynigion yn gwaredu adeiladau presennol Ysgol Greenhill sydd mewn cyflwr gwael.
- Mae cyfleusterau adeiladau newydd yn darparu amgylcheddau dysgu o ansawdd uchel, sy'n gwella dewisiadau dysgu a chyfleoedd i ddisgyblion.
- Byddai'r adeiladau newydd yn gwbl hygyrch ac yn cydymffurfio â Deddf Cydraddoldeb 2010.
- Byddai agosrwydd safle'r Dutch Garden Centre i lwybrau ffyrdd mawr yn caniatáu i'r safle wasanaethu ardal eang gydag amseroedd teithio rhesymol o'r cartref i'r ysgol.
- Mae safle Tŷ Glas yn agos at lwybrau trafniadaeth gyhoeddus ac mae ganddi botensial da ar gyfer cysylltiadau teithio llesol.

Anfanteision Posibl y Cynnig

- Gall newid fod yn anodd i rai disgyblion ag anghenion dysgu ychwanegol. Felly, byddai angen i'r Cyngor gynllunio a chefnogi'r newid hwn yn ofalus.
- Gallai fod mwy o dagfeydd traffig o amgylch safleoedd yr ysgol. Byddai'r Cyngor yn gweithio gyda Chorff Llywodraethu Ysgol Greenhill i ddatblygu ei Chynllun Teithio. Byddai hyn yn ceisio lleihau unrhyw darfu cymaint â phosibl.
- Nid yw'n hawdd cyrchu safle'r Dutch Garden Centre ar drafnidiaeth gyhoeddus. Ar hyn o bryd nid oes llwybrau teithio llesol ar gyfer cerdded a beicio i'r safle. Fodd bynnag, mae 72% o ddysgwyr Ysgol Greenhill yn teithio i'r ysgol mewn tacsî. Gall gwasgaru lleoedd yn fwy ar draws y ddinas leihau hyd cyfartalog teithiau.
- Mae rhan o safle'r Dutch Garden Centre yn agos at draffordd yr M4. Byddai angen cynllunio'r safle'n ofalus a rheoli ymddygiad disgyblion yn ddiogel.
- Gan fod rhan o safle'r Dutch Garden Centre yn agos at draffordd yr M4, gallai fod rhywfaint o sŵn traffig. Fodd bynnag, ychydig o ffyrdd eraill sydd gerllaw ac ar gyfer y rhan fwyaf o'r safle gall sŵn y traffig fod yn llai nag mewn llawer o ysgolion trefol yng Nghaerdydd. Byddai lleoliad yr ysgol ar y safle, tirlunio a rhwystrau sŵn fel coed yn lleihau sŵn ar y safle.
- Gellid defnyddio rhan o'r safle yn Nhŷ Glas ar gyfer ysgol arall. Byddai angen cynllunio'r safle'n ofalus a rheoli ymddygiad disgyblion yn ddiogel. Byddai angen ystyried mynedfeydd ac allanfeydd ar wahân ar gyfer pob ysgol a'r posibilrwydd o amseroedd dechrau a gorffen gwahanol.

Risgiau Sydd Ynglwm â'r Cynnig

- Cynhelir ymgynghoriad ar ysgolion newydd yn gynnwys ar gam datblygu cynigion. Cynhelir yr astudiaethau dylunio a dichonoldeb helaeth yn ddiweddarach. Er bod hyn yn cyfyngu ar y risg y bydd y Cyngor yn defnyddio ei arian, rydym yn dal i ddisgwyl rhywfaint o wybodaeth am arolygon a chynllunio. Byddai arolygon safle ac adroddiadau geo-dechnegol hefyd yn cael eu cynnal yn ddiweddarach.
- Mae'r newidiadau arfaethedig yn gofyn am gyllid gan Lywodraeth Cymru. Byddai angen i'r Cyngor sicrhau cyllid mewn achos busnes ar gyfer cam achos busnes Llywodraeth Cymru.
- Pe na byddai'r Cyngor yn cael cyllid gan Lywodraeth Cymru yna'r Cyngor fyddai'n ysgwyddo'r cyfrifoldeb yn llawn dros yr holl gostau yn ymwneud â'r cynnig. Yn yr achos hwn, byddai gofyn i'r Cyngor ystyried y ffordd orau o ddarparu'r lleoedd ysgol ychwanegol.

Trafnidiaeth i Ysgol Greenhill yn y Safle Arfaethedig yn y Dutch Garden Centre

Byddai'r datblygiad yn gofyn am Asesiad Trafnidiaeth a fyddai'n nodi ffyrdd y gallwn wneud y mwyaf o deithio drwy ddulliau cynaliadwy. Dim ond cerbydau all gael mynediad i safle'r Dutch Garden Centre ar hyn o bryd. Byddai angen gwneud newidiadau er mwyn cael mynediad i'r safle drwy ddulliau eraill.

Ar hyn o bryd nid oes unrhyw gysylltiadau i gerddwyr, cyfleusterau beicio na chludiant cyhoeddus i'r safle. Byddai angen darparu mynediad i fysiau a chyfleusterau aros diogel i staff ac unrhyw ddisgyblion sy'n teithio'n annibynnol ac sy'n defnyddio gwasanaethau bws ysgol wedi'u trefnu a gwasanaethau ychwanegol, gyda mynediad diogel i gerddwyr i arosfannau bysiau sy'n gyfleus i'r ysgol.

Trafnidiaeth i Ysgol Greenhill yn y Safle Arfaethedig Tŷ Glas

Mae gan safle Tŷ Glas leoliad cymharol ganolog ac mae'n agos at orsaf reilffordd Tŷ Glas a llwybrau bysiau fel y gellir teithio iddo drwy ddefnyddio trafniadaeth gyhoeddus. Mae potensial da i ddysgwyr yn ogystal â staff sy'n byw o fewn pellter beicio neu gerdded rhesymol deithio i'r safle drwy ddulliau llesol. Mae Ysgol Greenhill eisoes wedi datblygu ei Chynllun Teithio Llesol ei hun.

Cefnogir disgyblion Ysgol Greenhill gan fenter Hyfforddiant Teithio Annibynnol y Cyngor lle mae disgyblion ysgol yn cael eu cefnogi wrth gynllunio a gwneud teithiau i'r ysgol yn annibynnol. Byddai lleoliad y safle ger gwasanaethau trafniadaeth gyhoeddus yn golygu y byddai disgyblion yn cael eu cefnogi'n dda gan y fenter hon.

Mae Ysgol Greenhill hefyd yn rhan o brosiect Fflyd Beiciau Ysgol Caerdydd lle mae beiciau (a sgwteri) yn cael eu lleoli mewn ysgolion i ganiatáu i bawb gael mynediad i feicio, gan eu defnyddio ar gyfer hyfforddiant beicio ac ar gyfer gweithgareddau ysgol neu allgyrsiol.

Beth fyddai'r effaith ar staff?

Byddai'r cynnydd arfaethedig yn nifer y disgyblion ar gyfer Ysgol Greenhill yn golygu y byddai gofyn i'r Corff Llywodraethu gynllunio ar gyfer staff ychwanegol cyn yr ehangu. Byddai'r Corff Llywodraethu yn cael ei annog i ymgymryd â'r gwaith hwn yn unol â'r Fframwaith AD Cynllunio Trefniadaeth Ysgolion.

Byddai'r Cyngor yn rhoi cyngor, cymorth ac arweiniad i'r Corff Llywodraethu ar gyfer cynllunio'r gweithlu a phrosesau recriwtio. Lle mae Cyrff Llywodraethu wedi mabwysiadu Polisi Adleoli a Diswyddo Ysgolion y Cyngor, byddai unrhyw swyddi gwag newydd sy'n codi o ganlyniad i gynyddu'r nifer ar y gofrestr yn rhoi cyfleoedd i staff ysgol sydd ar y gofrestr adleoli ysgolion.

Mae'r cynnig yn cynnwys adleoli Ysgol Greenhill a threfniadau safle deuol. Byddai ymgynghoriad staff ac undebau llafur yn cael ei gynnal. Byddai angen cynlluniau cyfathrebu clir ar gyfer trefniadau trosglwyddo safleoedd. Byddai'r staff yn ymwneud â datblygu manylebau a dyluniadau adeiladu.

Beth sy'n digwydd nesaf?

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn wrth Gabinet y Cyngor. Bydd hyn yn helpu'r aelodau etholedig i ddeall barn rhanddeiliaid a bydd yn rhoi gwybodaeth iddynt i'w helpu i wneud eu penderfyniad.



Os bydd y Cabinet yn penderfynu parhau â'r cynigion, rhaid iddo gyhoeddi dogfen o'r enw 'hysbysiad statudol'. Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu hanfon i'r Cyngor o fewn y dyddiadau a nodir ar yr hysbysiad.

Gall y Cabinet benderfynu cymeradwyo neu wrthod y cynnig, neu ei gymeradwyo â rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Ar ôl i benderfyniad gael ei wneud, byddwn yn rhoi gwybod i bawb y mae'r cynnig yn effeithio arnynt. Caiff y penderfyniad ei gyhoeddi hefyd ar wefan y Cyngor.

Pe cytunir ar y cynigion, pryd fyddai'r adeiladau ysgol newydd yn agor?

Y bwriad yw y byddai gwaith adeiladu yn dechrau ym mlwyddyn ysgol 2023/24 ac yn cael ei gwblhau yn barod i ddisgyblion ddefnyddio'r holl gyfleusterau newydd ym mlwyddyn ysgol 2025/26.



Dweud Eich Dweud

Gallwch lenwi'r ffurflen ymateb ar-lein yn www.caerdydd.gov.uk/cynigionysgolADY

Rydym yn cynnig:

- Cynyddu capasiti Ysgol Greenhill o 64 i 160 o leoedd.
- Trosglwyddo'r ysgol i adeiladau newydd ar draws dau safle ar safle Canolfan Arddio Dutch, Maes Y Bryn Road (ger yr M4 Cyffordd 30) a Tŷ Glas Road yn Llanisien, gydag 80 o ddisgyblion ar bob safle o fis Medi 2025.

Mae'r gwaith o ddatblygu'r cynnig hwn ar y camau cychwynol. Byddai unrhyw gynllun ysgol manwl neu gynlluniau safle yn cael eu hystyried yn ddiweddarach. Byddai cyfleoedd i roi sylwadau ar gynlluniau manwl yn ystod y camau cyn cynllunio a chais cynllunio, pe bai'r cynnig yn cael ei ddatblygu.

A ydych chi'n ymateb fel (ticiwch bob un sy'n berthnasol):

- | | |
|--|--|
| <input type="checkbox"/> Rhiant neu Warcheidwad* | <input type="checkbox"/> Nain/Taid* |
| <input type="checkbox"/> Aelod o staff** | <input type="checkbox"/> Disgybl* |
| <input type="checkbox"/> Llywodraethwr* | <input type="checkbox"/> Preswlydd Lleol |
| <input type="checkbox"/> Arall (rhowch fanylion) _____ | |

A fyddech cystal â chadarnhau
pa ysgol(ion) rydych yn

1. A ydych yn cefnogi'r cynnig i gynyddu capasiti Ysgol Greenhill o 64 i 160 o leoedd?

- YDW NAC YDW DIM BARN

Esboniwrch pam:

2. A ydych yn cefnogi'r cynnig i drosglwyddo Ysgol Greenhill i adeiladau newydd ar draws dau safle yng Nghanolfan Arddio Dutch, Maes Y Bryn Road a Tŷ Glas Road, Llanisien?

YDW

NAC YDW

DIM BARN

Esboniwch pam:

3. A oes unrhyw newidiadau y credwch y gallent wella'r cynigion hyn?

4. A oes unrhyw opsiynau eraill yr hoffech eu hawgrymu?

5. A oes unrhyw sylwadau eraill gennych?

Enw _____

Cyfeiriad _____

Cod post _____

Y dyddiad cau ar gyfer cyflwyno ymatebion i'r ymgynghoriad hwn yw **1 Chwefror 2022**

Ni fydd y Cyngor yn gallu ystyried unrhyw ymatebion i'r ymgynghoriad a geir ar ôl y dyddiad hwn.

Ni fydd yr ymatebion i'r ymgynghoriad hwn yn cyfrif fel gwrthwynebiadau i'r cynnig.

Ni ellir ond cofrestru gwrthwynebiadau wedi cyhoeddi hysbysiad statudol.

Os hoffech chi gael gwybod pan gyhoeddir adroddiad yr Ymgynghoriad, nodwch eich cyfeiriad e-bost. Os na roddwch gyfeiriad e-bost i ni, ni fydd modd i ni gysylltu â chi.

Diolch ichi am eich sylwadau.

Dychwelwch y ffurflen hon at Dim Cynllunio Trefniadaeth Ysgolion, Ystafell 401, Neuadd y Sir, CF10 4UW neu drwy e-bost i ymatebionysgolion@caerdydd.gov.uk erbyn dim hwyrach na 1 Chwefror 2022.

AMDANOCH CHI

Nodwch eich cod post isod i'n galluogi i nodi barn ac anghenion ymatebwyr yn fanylach fesul ardal:-

Faint oedd eich oed ar eich pen-blwydd diwethaf?

- | | | | | |
|-------------------------------------|--------------------------------|--------------------------------|--------------------------------|---|
| <input type="checkbox"/> Dan 16 oed | <input type="checkbox"/> 25-34 | <input type="checkbox"/> 45-54 | <input type="checkbox"/> 65-74 | <input type="checkbox"/> Mae'n well gennyf beidio â dweud |
| <input type="checkbox"/> 16-24 | <input type="checkbox"/> 35-44 | <input type="checkbox"/> 55-64 | <input type="checkbox"/> 75+ | |

Ydych chi yn.....?

- | | | | |
|------------------------------------|------------------------------------|--------------------------------|---|
| <input type="checkbox"/> Benywaidd | <input type="checkbox"/> Gwrywaidd | <input type="checkbox"/> Arall | <input type="checkbox"/> Mae'n well gennyf beidio â dweud |
|------------------------------------|------------------------------------|--------------------------------|---|

Ydych chi'n eich ystyried eich hun yn berson anabl?

- | | | |
|------------------------------|-----------------------------|---|
| <input type="checkbox"/> Ydw | <input type="checkbox"/> Na | <input type="checkbox"/> Mae'n well gennyf beidio â dweud |
|------------------------------|-----------------------------|---|

Ticiwch unrhyw un o'r canlynol sy'n berthnasol i chi:

- | | | |
|---|--|---|
| <input type="checkbox"/> Byddar/Wedi colli clyw/Yn drwm fy nghlyw | <input type="checkbox"/> Nam ar y golwg | <input type="checkbox"/> Salwch neu gyflwr iechyd hirdymor (e.e. cancer, diabetes neu asthma) |
| <input type="checkbox"/> Anawsterau iechyd meddwl | <input type="checkbox"/> Defnyddiwr cadair olwyn | <input type="checkbox"/> Mae'n well gennyf beidio â dweud |
| <input type="checkbox"/> Nam/anawsterau dysgu | <input type="checkbox"/> Nam symudedd | <input type="checkbox"/> Arall |

Rhowch fanylion _____

Beth yw eich grŵp ethnig?

Pan ddefnyddir y term 'Prydeinig', mae hyn yn cyfeirio at y pedair gwlad, sef Cymru, Lloegr, Gogledd Iwerddon a'r Alban, neu gyfuniad o'r rhain.

- | | |
|---|---|
| <input type="checkbox"/> Gwyn - Cymreig/Seisnig/Albanaidd/o Ogledd Iwerddon/Prydeinig | <input type="checkbox"/> Asiaidd/Asiaidd Cymreig/Prydeinig – Bangladeshaidd |
| <input type="checkbox"/> Gwyn - Gwyddelig | <input type="checkbox"/> Asiaidd/Asiaidd Cymreig/Prydeinig - Indiaidd |
| <input type="checkbox"/> Gwyn - Sipsi neu Deithiwr Gwyddelig | <input type="checkbox"/> Asiaidd/Asiaidd Cymreig/Prydeinig – Unrhyw gefndir arall |
| <input type="checkbox"/> Gwyn – Unrhyw gefndir gwyn arall | <input type="checkbox"/> Du/Affricanaidd/Caribiaidd/Du Cymreig/Prydeinig – Affricanaidd |
| <input type="checkbox"/> Grwpiau Cymysg/Aml-ethnig - Gwyn ac Asiaidd | <input type="checkbox"/> Du/Affricanaidd/Caribiaidd/Du Cymreig/Prydeinig – Caribiaidd |
| <input type="checkbox"/> Grwpiau Cymysg/Aml-ethnig - Gwyn a Du Caribiaidd | <input type="checkbox"/> Du/Affricanaidd/Caribiaidd/Du Cymreig/Prydeinig – Unrhyw gefndir arall |
| <input type="checkbox"/> Grwpiau Cymysg/Aml-ethnig - Gwyn a Du Affricanaidd | <input type="checkbox"/> Arabaidd |
| <input type="checkbox"/> Grwpiau Cymysg/Aml-ethnig - Unrhyw un arall | <input type="checkbox"/> Unrhyw grŵp ethnig arall (rhowch fanylion) |
| <input type="checkbox"/> Asiaidd/Asiaidd Cymreig/Prydeinig - Tsieineaidd | _____ |
| <input type="checkbox"/> Asiaidd/Asiaidd Cymreig/Prydeinig – Pacistanaidd | <input type="checkbox"/> Mae'n well gen i beidio â dweud |

Caiff y wybodaeth rydych wedi'i rhoi ei phrosesu gan Gyngor Caerdydd yn unol â Deddf Diogelu Data 2018 a'r Rheoliad Diogelu Data Cyffredinol. Caiff y wybodaeth rydych wedi'i rhoi i ni mewn perthynas â'r ymgynghoriad hwn ei thrin yn gyfrinachol ond gallai gael ei defnyddio gan y Cyngor neu'i datgelu i eraill yn ôl y gyfraith. Diben prosesu data personol yw oherwydd bod angen perfformio tasg benodol sydd o fudd i'r cyhoedd. Gydag unrhyw ymatebion a ddaw i law, bydd modd gwneud cais amdanynt o dan y Ddeddf Rhyddid Gwybodaeth ac mae'n bosibl y bydd yn rhaid eu gwneud yn gyhoeddus. Wedi dweud hynny, byddai gwybodaeth sy'n cynnwys manylion personol fel enw a chyfeiriad unigolyn yn cael eu tynnu allan.

Am ragor o wybodaeth am sut mae Cyngor Caerdydd yn rheoli gwybodaeth bersonol, darllenwch ein Polisi Preifatrwydd ar wefan y Cyngor.

<https://www.cardiff.gov.uk/CYM/Hafan/Ymwadiad/Pages/default.aspx>

Ysgolion yr 21ain Ganrif Dogfen Grynhoi 2021

GWELLA DARPARIAETH AR GYFER PLANT A PHOBL IFANC AG
ANGHENION DYSGU YCHWANEGOL (ADY):

DARPARIAETH IECHYD A LLES EMOSIYNOL I DDYSGWYR
11 - 19 OED

14 RHAGFYR 2021 – 01 CHWEFOR 2022



Gellir darparu'r ddogfen hon mewn Braille.
Mae fersiwn lawn o'r ddogfen ymgynghori ar gael yn:
www.caerdydd.gov.uk/cynigionysgolADY

Gellir darparu gwybodaeth mewn ieithoedd cymunedol eraill hefyd os oes angen.



Cefndir

Mae gweledigaeth 2030 Caerdydd ar gyfer addysgu a dysgu yng Nghaerdydd yn gosod nod Hawl Dysgu, lle gall pob plentyn a pherson ifanc:

- gael mynediad at lwybrau priodol i gyfleoedd addysgu a dysgu
- ffynnu a chyflawni ei botensial
- gwireddu ei freuddwydion a'i uchelgeisiau unigol

Mae'r llyfryn hwn yn cynnwys crynodeb o wybodaeth am gynigion i wella mynediad i addysg yn unol â'r egwyddorion cynhwysiant uchod.

Dyma'ch cyfle i ofyn cwestiynau ac i wneud sylwadau. Rydym am wybod eich barn oherwydd mae hyn yn ein helpu i sicrhau bod unrhyw gynigion sy'n mynd yn eu blaenau yn gweithio'n iawn i blant, pobl ifanc a chymuned leol Ysgol Uwchradd Gorllewin Caerdydd ac Ysgol Uwchradd y Dwyrain.

Beth rydym yn cynnig ei wneud?

Er mwyn ateb y galw am leoedd mewn canolfannau adnoddau arbenigol ar gyfer dysgwyr ag anghenion emosiynol a lles rhwng 11 a 19 oed, rydym yn cynnig:

- sefydlu Canolfan Adnoddau Arbenigol ag 20 o leoedd yn Ysgol Uwchradd Gymunedol Gorllewin Caerdydd o fis Medi 2022
- sefydlu Canolfan Adnoddau Arbenigol ag 20 o leoedd yn Ysgol Uwchradd y Dwyrain o fis Medi 2022

Lle gallaf gael rhagor o wybodaeth?

- Ceir manylion llawn yn y Ddogfen Ymgynghori ar wefan y Cyngor yn www.caerdydd.gov.uk/cynigionysgolADY
- Os na allwch weld y ddogfen ar-lein, bydd copïau papur o'r ddogfen ymgynghori hon ar gael drwy'r post ar gais. Gallwch ofyn am gopi drwy ffonio 02920 872720.
- Rydym wedi trefnu cyfarfod ar-lein a sesiynau galw heibio y gallwch fynd iddynt os hoffech i ni esbonio'r newidiadau arfaethedig i chi. Gallwch hefyd ofyn cwestiynau. Os hoffech fynd i gyfarfod ar-lein cysylltwch â ni drwy e-bostio ymatebionysgolion@caerdydd.gov.uk gan nodi'r cyfarfod yr hoffech fynd iddo. Byddwn wedyn yn darparu dolen a chyfarwyddiadau ar gyfer mynychu'r cyfarfod.

Mae dyddiadau'r cyfarfod ymgynghori cyhoeddus a'r sesiynau galw heibio wedi eu nodi isod:

Tabl 1: Dyddiadau Cyfarfodydd Ymgynghori

Natur yr ymgynghoriad	Dyddiad / Amser	Lleoliad
Cyfarfod Cyhoeddus Ar-lein	Dydd Mercher 12 Ionawr 2022, 5:30pm	Ar-lein drwy Microsoft Teams
Sesiynau galw heibio	Ar gais drwy e-bostio ymatebionysgolion@caerdydd.gov.uk	Ar-lein drwy Microsoft Teams

Mae cyfarfodydd ar wahân wedi eu trefnu ar gyfer staff a llywodraethwyr.

Mae barn plant a phobl ifanc yn allweddol i'r modd y darperir addysg. Byddwn yn ymgynghori â disgyblion yn Ysgol Greenhill ac yn cynnwys eu hadborth yn yr adroddiad ymgynghori terfynol.

Sut gallaf roi fy marn?

- Gallwch fynd i gyfarfod cyhoeddus neu sesiwn galw heibio
- Gallwch roi eich barn ar www.caerdydd.gov.uk/cynigionysgolADY
- • Gallwch lenwi'r ffurflen ymateb ar dudalennau 11-14 y llyfryn hwn.

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022.

Pam ein bod yn cynnig y newidiadau hyn?

Lleoedd ysgol – Rhaid i bob cyngor yng Nghymru gynnig digon o leoedd ysgol i ddisgyblion o bob oed. Rhaid i leoedd ysgol fodloni anghenion yr holl ddisgyblion a rhaid iddynt fod yn addas ar gyfer unrhyw Anghenion Dysgu Ychwanegol.

Pam fod angen mwy o leoedd?

Digonolrwydd yn y Sector Arbennig

Mae Canolfan Adnoddau Arbenigol yn galluogi dysgwyr ag anawsterau dysgu i lwyddo mewn amgylchedd ysgol prif ffrwd. Gall hyn gynnwys disgyblion ag Anghenion Iechyd a Lles Emosiynol.

Caiff disgyblion mewn Canolfan Adnoddau Arbenigol eu haddysgu mewn dosbarth bach gan staff arbenigol ac maent yn elwa ar gwricwlwm arbenigol. Maent hefyd yn elwa o'r ystod lawn o gyfleoedd addysg sydd ar gael i bob disgybl yn yr ysgol.

Mae nifer y disgyblion sydd angen lle mewn ysgol arbennig neu ganolfan adnoddau arbenigol wedi parhau i dyfu.

Ar ddiwedd mis Mawrth 2021, roedd gan 2,265 o blant yng Nghaerdydd ddatganiad Anghenion Addysgol Arbennig. Wrth i'r boblogaeth dyfu, felly hefyd bydd nifer y plant a'r bobl ifanc ag Anghenion Dysgu Ychwanegol sylweddol a chymhleth.

Yn 2020/21

- ariannwyd cyfanswm o 1,116 o leoedd mewn canolfannau adnoddau arbenigol neu ysgolion arbennig gan Gyngor Caerdydd
- roedd 48 o leoedd dros dro ar gael i ddysgwyr mewn Dosbarth Lles a Dosbarthiadau Lleferydd ac Iaith
- roedd 90 o leoedd ar gael yn yr Uned Cyfeirio Disgyblion (UCD)

Er bod nifer o leoliadau arbenigol ledled Caerdydd ar hyn o bryd, nid oes digon o leoedd ar gael. Rhagwelir y bydd nifer y plant a fyddai'n elwa o le arbenigol yn cynyddu dros y blynyddoedd nesaf.

Galw am leoedd

Yn 2021/22 mae cyfanswm o 172 (11 – 16) o leoedd Iechyd a Lles Emosiynol arbenigol ar gyfer dysgwyr 11-16 oed a ariennir gan Gyngor Caerdydd. Roedd y rhain mewn ysgolion a gynhelir yng Nghaerdydd ac mewn sefydliadau eraill a gomisiynwyd gan y Cyngor. Amcangyfrifir bod galw am tua 322 o leoedd yn 2021/22, a rhagwelir y bydd hyn yn codi i 348 o leoedd erbyn 2025/26.

Gan ganiatáu rhywfaint o le dros ben i gefnogi hyblygrwydd, y capasiti digonol fyddai 354 o leoedd yn 2021/22, a 383 o leoedd erbyn 2025/26.

I grynhoi, amcangyfrifir diffyg o 182 o leoedd ar gyfer dysgwyr 11-16 oed yn 2021/22, gan godi i 211 erbyn 2025/26.

Yn ddelfrydol, dylai darpariaeth arbenigol gefnogi'r rhan fwyaf o ddysgwyr i aros ymlaen nes y byddant yn 18 neu'n 19 oed. Mae gan Ysgol Uwchradd Gymunedol Gorllewin Caerdydd ac Ysgol Uwchradd y Dwyrain ddarpariaeth i ddysgwyr astudio ar y safle ar ôl 16 oed.


Dosbarthiad daearyddol darpariaeth arbenigol

Nid yw lleoliad canolfannau adnoddau arbenigol a Dosbarthiadau Lles wedi'u dosbarthu'n dda ar draws y ddinas.

Gellir gweld map yn dangos lleoliad y ddarpariaeth arbenigol gyfredol isod.

Gall diffyg canolfannau adnoddau arbenigol mewn rhai ardaloedd roi dysgwyr sy'n byw yn yr ardaloedd hynny dan anfantais. Mae rhai teuluoedd yn anghyfarwydd â'r ardaloedd lle mae'r ddarpariaeth wedi'i lleoli. Mae'n bosibl na all rhieni neu ofalwyr deithio'n hawdd i'r ardaloedd hynny.

Byddai dosbarthiad gwell o ganolfannau adnoddau arbenigol ar draws y ddinas yn gwella mynediad i ddisgyblion. Byddai'n lleihau amseroedd teithio i lawer o ddisgyblion, yn ogystal â chynyddu nifer y lleoedd sydd ar gael.



Special schools & SRBs: Type & Capacity

● Autism	(7)
● Behavioural, Emotional & Social Needs	(3)
● Hearing Impairment	(2)
● Profound & Multiple Learning Disabilities, Medical Needs, Autism	(1)
● Severe Learning Disabilities, Medical Needs, Speech and Language, Autism	(10)

This map is produced specifically to support County Council information. No further copies may be made. Map data from Ordnance Survey, GeoNames, OpenStreetMap and others. © Crown copyright and database rights 2017. Ordnance Survey 100023755. © Neustant & Geor & Harlow 2017. All rights reserved. 100023755

Ysgolion yr 21ain Ganrif darpariaeth ar gyfer plant a phobl ifanc ag anghenion dysgu ychwanegol (ady)

Cynigion ar gyfer Ysgol Uwchradd Gymunedol Gorllewin Caerdydd

Mae Ysgol Uwchradd Gymunedol Gorllewin Caerdydd yn ysgol uwchradd Saesneg i ddisgyblion 11-18 oed sydd wedi'i lleoli yn Penally Road, Caerau.

Symudodd yr ysgol i adeiladau newydd ym mis Ebrill 2019.

Capasiti presennol Ysgol Uwchradd Gymunedol Gorllewin Caerdydd yw 1500 o leoedd ac roedd gan yr ysgol 893 o ddisgyblion ar y gofrestr ym mis Hydref 2021.



Er mwyn ateb y galw cynyddol am leoedd mewn canolfannau adnoddau arbennig i ddysgwyr ag anghenion iechyd a lles emosiynol rhwng 11 a 19 oed, cynigir:

- sefydlu Canolfan Adnoddau Arbenigol ag 20 o leoedd yn Ysgol Uwchradd Gymunedol Gorllewin Caerdydd o fis Medi 2022

Cynigir y byddai'r ganolfan newydd yn cael ei lletya yn adeiladau presennol yr ysgol.

Cynigion ar gyfer Canolfan Adnoddau Arbenigol yn Ysgol Uwchradd y Dwyrain

Mae Ysgol Uwchradd y Dwyrain yn ysgol uwchradd gymunedol Saesneg ar gyfer disgyblion 11-16 oed. Mae'r ysgol wedi'i chydleoli â darpariaeth ôl-16 Coleg Caerdydd a'r Fro mewn adeiladau newydd yn Trowbridge Road, Trowbridge.

Capasiti presennol Ysgol Uwchradd y Dwyrain yw 1200 o leoedd ac roedd gan yr ysgol 1095 o ddisgyblion ar y gofrestr ym mis Hydref 2021.



Er mwyn ateb y galw cynyddol am leoedd mewn canolfannau adnoddau arbennig i ddysgwyr ag anghenion iechyd a lles emosiynol rhwng 11 a 19 oed, cynigir:

- sefydlu Canolfan Adnoddau Arbenigol ag 20 o leoedd ar gyfer anghenion iechyd a lles emosiynol yn Ysgol Uwchradd Gymunedol Gorllewin Caerdydd o fis Medi 2022

Cynigir y byddai'r ganolfan newydd yn cael ei lletya i ddechrau yn yr adeiladau presennol a rennir gan Ysgol Uwchradd y Dwyrain a Choleg Caerdydd a'r Fro. Byddai gwaith diweddarach yn cael ei wneud i ddarparu lletya a chyfleusterau ychwanegol.

Gwybodaeth sy'n Berthnasol i'r ddau Gynnig

Cyflwr ac Addasrwydd Adeiladau Ysgol

Mae cyflwr adeiladau pob ysgol yng Nghaerdydd wedi ei asesu. Mae pob adeilad wedi derbyn sgôr o A i D, gyda'r ysgolion â sgôr o D yn y cyflwr gwaethaf. Mae'r broses hon yn ein cynorthwyo i flaenoriaethu'r ysgolion sydd angen gwelliannau i'w hadeiladau a'r ysgolion sydd angen buddsoddiad.

Mae Ysgol Uwchradd Gymunedol Gorllewin Caerdydd â sgôr o A am gyflwr. Mae hyn yn golygu bod yr adeiladau'n dda ac yn gweithredu'n effeithlon. Mae adeiladau'r ysgol hefyd wedi cael sgôr o A (da) am eu haddasrwydd.

Mae Ysgol Uwchradd y Dwyrain wedi cael sgôr o A am gyflwr. Mae hyn yn golygu bod yr adeiladau'n dda ac yn gweithredu'n effeithlon. Mae adeiladau'r ysgol hefyd wedi cael sgôr o A (da) am eu haddasrwydd ar gyfer addysgu a dysgu.

Mae manylion pellach am y sgorio i'w cael yn y ddogfen ymgynghori: www.caerdydd.gov.uk/cynigionysgolADY

Ansawdd a Safonau

Mae pob ysgol yng Nghymru yn cael ei harolygu gan Estyn.

Mae Estyn yn sicrhau bod ysgolion yn cynnig safon dda o addysg i'w disgyblion a bod pob plentyn yn cael ei gefnogi i ddysgu gan staff addysgu a dysgu rhagorol.

Mae ysgolion hefyd yn cael eu rhoi mewn un o bedwar categori cymorth lliw (gwyrdd, melyn, oren a choch) fel rhan o System Genedlaethol ar gyfer Categori Ysgolion Llywodraeth Cymru. Ysgolion Oren a Choch yw'r rhai sydd angen y cymorth mwyaf.

Amlinellir manylion y safonau yn Ysgol Uwchradd Gorllewin Caerdydd ac Ysgol Uwchradd y Dwyrain fel y'u nodir yn adroddiad diweddaraf Estyn ar gyfer y ddwy ysgol yn y tabl isod.

Mae'r lliwiau a ddefnyddir yn dangos y categorïddio mwyaf diweddar gan ddefnyddio Categori Ysgolion Llywodraeth Cymru ym mis Ionawr 2020.

Ysgol	Dyddiad yr Arolwg	Safonau	Cynnydd
Ysgol Uwchradd Gymunedol Gorllewin Caerdydd	Tachwedd 2018	Digonol ac angen gwella	
Ysgol Uwchradd y Dwyrain	Rhagfyr 2014	Anfoddhaol – angen rhoi rhybudd	Tynnwyd o'r rhestr fonitro ym mis Tachwedd 2017

Ceir rhagor o fanylion am ansawdd a safonau yn y ddogfen ymgynghori ar wefan y Cyngor yn www.caerdydd.gov.uk/cynigionysgolADY

Beth fyddai'r effaith ar gymorth i ddisgyblion?

Byddai'r ddwy ysgol yn parhau i gynnig cymorth sy'n briodol i anghenion pob disgybl yn unigol.

Nid oes unrhyw wybodaeth i awgrymu y ceid effaith negyddol ar anghenion unrhyw un o'r grwpiau isod gan y newidiadau arfaethedig:

- disgyblion ag Anghenion Dysgu Ychwanegol
- disgyblion y mae Saesneg yn Iaith Ychwanegol ganddynt
- disgyblion sy'n cael Prydau Ysgol am Ddim
- Disgyblion o Leiafrifoedd Ethnig

Beth yw manteision y newidiadau arfaethedig?

- Byddai'r cynigion yn cynyddu nifer y lleoedd adnoddau arbenigol ar gyfer dysgwyr oedran uwchradd ag anghenion iechyd a lles emosiynol a byddent yn cyfrannu at ateb y galw a ragwelir.
- Byddai'r cyfle i gyflogi staff arbenigol ac i weithio'n agosach gyda gwasanaethau arbenigol yng Nghaerdydd yn gwella addysgu cynhwysol yr ysgolion. Byddai hyn o fudd i bob disgybl yn yr ysgolion.
- Byddai'r cynnig yn galluogi disgyblion sy'n byw yng ngorllewin / dwyrain y ddinas i deithio pellteroedd llai i gael mynediad at ddarpariaeth arbenigol.
- Mae'r adeiladau newydd yn gwbl hygyrch ac yn cydymffurfio â Deddf Cydraddoldeb 2010.

Anfanteision posibl y newidiadau arfaethedig

- Gall newid fod yn anodd i rai disgyblion ag anghenion dysgu ychwanegol. Efallai y gall newidiadau i adeiladau beri gofid iddynt. Gwyddom y bydd angen cymorth wedi'i gynllunio'n ofalus arnynt i addasu i'r newidiadau. Fodd bynnag, byddai digon o amser i gynllunio a chefnogi cyfnod pontio o'r fath.
- Gallai fod mwy o dagfeydd traffig o amgylch safleoedd y ddwy ysgol ar ddechrau a diwedd y diwrnod ysgol. Byddai'r Cyngor yn gweithio gyda Chyrrff Llywodraethu'r ysgolion i ddatblygu Cynllun Teithio i leihau unrhyw darfu posibl;

Beth fyddai'r effaith ar staff?

Bydd y Cyngor yn gweithio gyda Chyrff Llywodraethu pob ysgol i fynd i'r afael â'r goblygiadau AD sy'n deillio o sefydlu Canolfan Adnoddau Arbenigol yn yr ysgol. Byddai angen rhagor o staff.

Lle mae'r Corff Llywodraethu wedi mabwysiadu Polisi Adleoli a Diswyddo Ysgolion y Cyngor, bydd unrhyw swyddi gwag newydd sy'n codi o ganlyniad i sefydlu'r Ganolfan Adnoddau Arbenigol yn rhoi cyfleoedd i staff ysgol sydd ar y gofrestr adleoli ysgolion.

Materion trafndiaeth

Disgwylir i'r cynigion gynyddu'r galw am Drafnidiaeth i Ddysgwyr yn Ysgol Uwchradd Gymunedol Gorllewin Caerdydd. Efallai y bydd angen cyfleusterau gwell a/neu ehangach priodol ar gyfer gollwng a chasglu o fewn y safle i ddarparu ar gyfer y nifer priodol o gerbydau. Byddai cyfyngiadau parcio ychwanegol ar hyd Penally Road o gwmpas amseroedd dechrau a gorffen yr ysgol yn lleihau tagfeydd a phroblemau parcio ac yn gwella diogelwch disgyblion.

Disgwylir i'r cynigion gynyddu'r galw am Drafnidiaeth i Ddysgwyr yn Ysgol Uwchradd y Dwyrain Byddai'r safle'n cael ei asesu i sicrhau bod cyfleusterau addas ar gyfer gollwng a chasglu i ddarparu ar gyfer y nifer priodol o gerbydau. Gall mesurau i wella problemau traffig y tu allan i'r ysgol gynnwys cyfyngiadau parcio ychwanegol. Gellid ystyried gweithredu Stryd Ysgol o gwmpas amseroedd dechrau a gorffen yr ysgol i leihau tagfeydd a materion parcio ac i wella diogelwch disgyblion.

Beth sy'n digwydd nesaf?

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn wrth Gabinet y Cyngor. Bydd hyn yn helpu'r aelodau etholedig i ddeall barn rhanddeiliaid a bydd yn rhoi gwybodaeth iddynt i'w helpu i wneud eu penderfyniad. Disgwyliwn adrodd ar ganlyniad yr ymgynghoriad ym mis Mawrth 2021.

Os bydd y Cabinet yn penderfynu parhau â'r newidiadau, rhaid iddo gyhoeddi dogfen o'r enw 'hysbysiad statudol'. Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu hanfon i'r Cyngor o fewn y dyddiadau a nodir ar yr hysbysiad.

Gall y Cabinet benderfynu cymeradwyo neu wrthod y cynnig, neu ei gymeradwyo â rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Ar ôl i benderfyniad gael ei wneud, byddwn yn rhoi gwybod i bawb y mae'r cynnig yn effeithio arnynt. Caiff y penderfyniad ei gyhoeddi hefyd ar wefan y Cyngor.

Dweud Eich Dweud!

FFURFLEN YMATEB I YMGYNGHORIAD

Gallwch gwblhau'r ffurflen ymateb hwn ar-lein yn www.caerdydd.gov.uk/cynigionysgolADY

Er mwyn ateb y galw am leoedd arbenigol ar gyfer adnoddau ar gyfer dysgwyr ag anghenion iechyd emosynol a llesiant rhwng 11 a 19 oed, rydym yn cynnig:

- Sefydlu Canolfan Adnoddau Arbenigol ag 20 lle yn Ysgol Uwchradd Gymunedol Gorllewin Caerdydd o fis Medi 2022
- Sefydlu Canolfan Adnoddau Arbenigol ag 20 lle yn Ysgol Uwchradd y Dwyrain o fis Medi 2022

Mae eich barn o bwys. Rhannwch eich barn am y cynigion gyda ni drwy:

- Lenwi a dychwelyd yr holiadur cysylltiedig i'r cyfeiriad a roddir ar waelod y ffurflen.
- Llenwi'r ffurflen ymateb ar-lein yn www.caerdydd.gov.uk/cynigionysgolADY
- Os yw'n well gennych, gallwch e-bostio eich sylwadau i: ymatebionysgolion@caerdydd.gov.uk

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022.

Yn anffodus ni ellir ystyried unrhyw ymatebion a dderbynnir ar ôl y dyddiad hwn.

1. Fel pa un o'r canlynol rydych yn ymateb?

- Rhiant
- Athro – nodwch eich ysgol
- Llywodraethwr ysgol – nodwch eich ysgol
- Arall - rhwch fanylion

2. A oes gennych chi blentyn/plant wedi eu cofrestru yn yr ysgolion canlynol?

(ticiwch bob un sy'n berthnasol)

- Ysgol Uwchradd Gymunedol Gorllewin Caerdydd
- Ysgol Uwchradd y Dwyrain
- Arall - rhwch fanylion:
- Dd/B

3. A ydych yn cefnogi'r cynlluniau a gyflwynwyd i wella'r ddarpariaeth ar gyfer Plant a Phobl Ifanc ag anghenion dysgu ychwanegol?

- Ydw
- Nac ydw
- Ddim yn gwybod

Ysgolion yr 21ain Ganrif
darpariaeth ar gyfer plant a phobl ifanc
ag anghenion dysgu ychwanegol (ady)

4. Ydych chi'n cefnogi'r cynnig ar gyfer pob un o safleoedd yr ysgol?

Ysgol a chynnig	Ydw	Nac Ydw	Ddim yn gwyböd
Ysgol Uwchradd Gymunedol Gorllewin Caerdydd <ul style="list-style-type: none">Sefydlu Canolfan Adnoddau Arbenigol ag 20 lle yn Ysgol Uwchradd Gymunedol Gorllewin Caerdydd o fis Medi 2022			
Ysgol Uwchradd y Dwyrain <ul style="list-style-type: none">Sefydlu Canolfan Adnoddau Arbenigol ag 20 lle yn Ysgol Uwchradd y Dwyrain o fis Medi 2025			

5. Eglurwch pam eich bod yn cefnogi neu beidio cefnogi'r cynnig(ion) isod. Cyfeiriwch at yr ysgol dan sylw

6. A hoffech chi awgrymu unrhyw newidiadau neu ddewisiadau amgen?

7. Sylwadau ychwanegol

Enw:

Cyfeiriad:

Cod Post:

Y dyddiad cau ar gyfer cyflwyno ymatebion i'r ymgynghoriad hwn yw 1 Chwefror 2022.

Ni fydd y Cyngor yn gallu ystyried unrhyw ymatebion i'r ymgynghoriad a geir ar ôl y dyddiad hwn.

Ni fydd yr ymatebion i'r ymgynghoriad hwn yn cyfrif fel gwrthwynebiadau i'r cynnig.

Ni ellir ond cofrestru gwrthwynebiadau wedi cyhoeddi hysbysiad statudol.

Os hoffech chi gael gwybod pan gyhoeddir adroddiad yr Ymgynghoriad, nodwch eich cyfeiriad e-bost. Os na roddwch gyfeiriad e-bost i ni, ni fydd modd i ni roi'r wybodaeth ddiweddaraf i chi.

.....

Diolch am eich sylwadau

Dychwelwch y ffurflen hon at Dîm Cynllunio Trefniadaeth Ysgolion, Ystafell 401, Neuadd y Sir, CF10 4UW neu drwy e-bost i ymatebionysgolion@caerdydd.gov.uk erbyn dim hwyrach na 1 Chwefror 2022.

Ysgolion yr 21ain Ganrif
darpariaeth ar gyfer plant a phobl ifanc
ag anghenion dysgu ychwanegol (ady)

AMDANOCH CHI

Nodwch eich cod post isod i'n galluogi i nodi barn ac anghenion ymatebwyr yn fanylach fesul ardal:-

Faint oedd eich oed ar eich pen-blwydd diwethaf?

- | | | | | |
|-------------------------------------|--------------------------------|--------------------------------|--------------------------------|--|
| <input type="checkbox"/> Dan 16 oed | <input type="checkbox"/> 25-34 | <input type="checkbox"/> 45-54 | <input type="checkbox"/> 65-74 | <input type="checkbox"/> Mae'n well gen i beidio â dweud |
| <input type="checkbox"/> 16-24 | <input type="checkbox"/> 35-44 | <input type="checkbox"/> 55-64 | <input type="checkbox"/> 75+ | |

Ydych chi yn.....?

- | | | | |
|--------------------------------|--------------------------------|--------------------------------|--|
| <input type="checkbox"/> Benyw | <input type="checkbox"/> Gwryw | <input type="checkbox"/> Arall | <input type="checkbox"/> Mae'n well gen i beidio â dweud |
|--------------------------------|--------------------------------|--------------------------------|--|

Ydych chi'n eich ystyried eich hun yn berson anabl?

- | | | |
|------------------------------|----------------------------------|--|
| <input type="checkbox"/> Ydw | <input type="checkbox"/> Nac ydw | <input type="checkbox"/> Mae'n well gen i beidio â dweud |
|------------------------------|----------------------------------|--|

Ticiwch unrhyw un o'r canlynol sy'n berthnasol i chi:

- | | | |
|---|--|---|
| <input type="checkbox"/> Byddar / Wedi colli clyw / Yn drwm fy nghlyw | <input type="checkbox"/> Nam ar y golwg | <input type="checkbox"/> Salwch neu gyflwr iechyd hirdymor (e.e. canser, diabetes neu asthma) |
| <input type="checkbox"/> Anawsterau iechyd meddwl | <input type="checkbox"/> Defnyddiwr cadair olwyn | <input type="checkbox"/> Mae'n well gen i beidio â dweud |
| <input type="checkbox"/> Nam/anawsterau dysgu | <input type="checkbox"/> Nam symudedd | <input type="checkbox"/> Arall |

Rhowch fanylion _____

Beth yw eich grŵp ethnig?

Pan ddefnyddir y term 'Prydeinig', mae hyn yn cyfeirio at y pedair gwlad, sef Cymru, Lloegr, Gogledd Iwerddon a'r Alban, neu gyfuniad o'r rhain.

- | | |
|---|---|
| <input type="checkbox"/> Gwyn - Cymreig/Seisnig/Albanaidd/o Ogledd Iwerddon/Prydeinig | <input type="checkbox"/> Asiaidd/Asiaidd Cymreig/Prydeinig – Bangladeshaid |
| <input type="checkbox"/> Gwyn - Gwyddelig | <input type="checkbox"/> Asiaidd/Asiaidd Cymreig/Prydeinig - Indiaidd |
| <input type="checkbox"/> Gwyn - Sipsi neu Deithiwr Gwyddelig | <input type="checkbox"/> Asiaidd/Asiaidd Cymreig/Prydeinig – Unrhyw gefndir arall |
| <input type="checkbox"/> Gwyn – Unrhyw gefndir gwyn arall | <input type="checkbox"/> Du/Affricanaidd/Caribiaidd/Du Cymreig/Prydeinig – Affricanaidd |
| <input type="checkbox"/> Grwpiau Cymysg/Aml-ethnig - Gwyn ac Asiaidd | <input type="checkbox"/> Du/Affricanaidd/Caribiaidd/Du Cymreig/Prydeinig – Caribiaidd |
| <input type="checkbox"/> Grwpiau Cymysg/Aml-ethnig - Gwyn a Du Caribiaidd | <input type="checkbox"/> Du/Affricanaidd/Caribiaidd/Du Cymreig/Prydeinig – Unrhyw gefndir arall |
| <input type="checkbox"/> Grwpiau Cymysg/Aml-ethnig - Gwyn a Du Affricanaidd | <input type="checkbox"/> Arabaidd |
| <input type="checkbox"/> Grwpiau Cymysg/Aml-ethnig - Unrhyw un arall | <input type="checkbox"/> Unrhyw grŵp ethnig arall (rhowch fanylion) |
| <input type="checkbox"/> Asiaidd/Asiaidd Cymreig/Prydeinig - Tsieineaidd | _____ |
| <input type="checkbox"/> Asiaidd/Asiaidd Cymreig/Prydeinig – Pacistanaid | <input type="checkbox"/> Mae'n well gen i beidio â dweud |

Caiff y wybodaeth rydych wedi'i rhoi ei phrosesu gan Gyngor Caerdydd yn unol â Deddf Diogelu Data 2018 a'r Rheoliad Cyffredinol ar Ddiogelu Data. Caiff y wybodaeth rydych wedi'i rhoi i ni mewn perthynas â'r ymgynghoriad hwn ei thrin yn gyfrinachol ond gallai gael ei defnyddio gan y Cyngor neu'i datgelu i eraill yn ôl y gyfraith. Diben prosesu data personol yw oherwydd bod angen perfformio tasg benodol sydd o fudd i'r cyhoedd. Gydag unrhyw ymatebion a ddaw i law, bydd modd gwneud cais amdanynt o dan y Ddeddf Rhyddid Gwybodaeth ac mae'n bosibl y bydd yn rhaid eu gwneud yn gyhoeddus. Wedi dweud hynny, byddai gwybodaeth sy'n cynnwys manylion personol fel enw a chyfeiriad unigolyn yn cael eu tynnu allan.

Am ragor o wybodaeth am sut mae Cyngor Caerdydd yn rheoli gwybodaeth bersonol, darllenwch ein Polisi Preifatwydd ar wefan y Cyngor.

<https://www.cardiff.gov.uk/CYM/Hafan/Ymwadiad/Pages/default.aspx>